

TRIUMPHVS MVSICVS
SVPER INAVGVRATIONE,
R. PRÆSVLIS, EIVS DEMQVE ILLV-
STRISSIMI PRINCIPIS, AC DO-
mini, D. Gerardi à Grousbeec
gratulationis ergo con-
scriptus;
Auctore Sebastiano Paunellio Aquensi.

*Dignum laude virum,
Musa vetat mori.*



ANTVERPIÆ,
Ex officina Guilielmi Silvij Regij Typo-
graphi. M. D. LXV.

TRIUMPHVS MVSICVS
SVPER INAVGVRATIONE,
R. PRÆSVLIS, EIVS DEMQVE ILLV-
STRISSIMI PRINCIPIS, AC DO-
mini, D. Gerardi à Grousbecc
gratulationis ergo con-
scriptus;
Auctore Sebastianio Paunellio Aquensi.

*Dignum laude virum,
Musa vetat mori.*



ANTVERPIÆ,
Ex officina Guilielmi Silvij Regij Typo-
graphi. M. D. LXV.

PIETATE ET ANIMI MAGNITUDINE LAUDATISSIMO PRINCIPI,
ac Domino, D. Gerardo à Grousebec, Leo-
dienis Diocæeos præfuli, Domino
suo clementissimo,
Sebastianus Paunellius ab Aquisgrano S. D.

R Espiranti nuper à seneioribus studijs, &
amœniorib' humanioris litteraturę leno-
cinijs, recreati animū meū, illustris. Princeps,
mihi in mentem venit, vt litterario aliquo mu-
nusculo, tuam tibi amplissimam dignitatem
gratularer primū: deinde vt honestum ali-
quod bonæ voluntatis, & meæ erga te debitæ
obseruantiae Mnemosynon, apud C.T. depo-
nerem, vt sit δόςις ὀλυμπία μέν φίλη. Gratulor
itaque non tantum tibi, sed & Deum nostrū
Iesum Christum laudo, qui te è cælesti corpore
quod est ecclesia, ad tam piissimum munus
impulerit & delegerit. Qui humano generi, ne
peſſū iret, ita semper suo ineffabili cōſilio pro-
ſpicit, vt ad res gerēdas Dux certus nō deeffet,
cuius vītē integritate, ceu Lydio lapide, mores
noſtri probarentur, qui rebus Christianis
fessis succurreret in medium, qui in pulchri-
tudine

EPIST. NVNCVPATORIA.

tudine pacis, & requie opulenta, regni ha-
benas feliciter gubernaret, attemperaretq;. Et denique qui omnē moueret lapidein, quo
hac deploratissima rerum facie, plebeculam
pestilentissimo Hæreſeos fermento vitiatam,
repurgaret, repurgatamque, Christo, à quo
desciuerat, lucrifaceret. Peculiaris hæc laus est
Leodiensis Ecclesiæ, viros insigniter eruditos,
ac Scipiones Ecclesiasticos illi nunquam de-
fuisse. Atque isthuc cum aliās, tum hac potissi-
mum ætate videre licet: qua doctissimus ipse,
apprimè doctis Canonicis præfides. Iam vero
litteratorum, studiosorumq; ordo, cui te vltro
Mecœnatem exhibuisti, ità te suspicit, in
cælum laudibus vehit, magnam vt in spem ve-
niā, hunc super inauguratione tua Trium-
phum Musicum (quem ludendo potius effu-
di quām effeci) tibi fore gratiosum. Atqui, in e-
hercule, non eo eum conscripseram, vt doctri-
nam meam, quæ arida & ſicca est, ostenta-
rem, sed ostenderem alijs latiores dicendi ſege-
tes, quibus orationum ſuarum iugera magis
compleant, vt maturioribus absolutoribusq;
scriptis, res tuas à te ſapienter gestas, & in po-

A 2 ſterum

E P I S T O L A

sterum gerendas, secuturæ ætati prodant, te, tuosqüe à mortalitate vindicent, & (vt ità lo-
quar) æternent. Est enim antiquior tua virtus,
& eruditio amplior, quam vt fastidiosè recu-
ses, si quis virtutem tuam, & merita ornamen-
tis nunquam perituriis illustret. Quod longè
remotum esse scio, à naturæ tuæ præstantia,
quæ vt semper virtuti dedita fuit, ità virtuti
debito testimonio, neutiquam carere debet.
Neque mediusfidius, tam ruditis est quisquam
vt generosissimo cuiquam, semina optandæ
immortalitatis insita nesciat. Quod si, vt ge-
nerosus, & nobilitate & eruditione, eiusdem
rei desiderio tenearis, non facile reperies præ-
ter litterarum monumenta, tuis votis quod
abundè satisfaciat. Nam conflentur ad tuam
formam signa, sculpantur statuæ, Apellis ma-
nu pingaris, delebit hæc omnia, non ità post
vetustas: litterarum autem monumēta, æter-
na sunt. Quorum cum esse fructum constat,
vt non solum illos, qui virtutē sunt amplexi;
post extinctum corpus gloria perpetua apud
posteros ornent, sed posteros quoque ipsos,
nobili maiorum exemplo, ad virtutis studiū
incen-

N V N C V P A T O R I A.

incendant, propulsentqüe ab eis veluti igna-
uiam. Enim uero, si iuxta vulgo iactatum pro-
uerbium, virtus ei, à quo possidetur, gloriam
pariat, cumqüe apud omnes commendet: id si
in quoquam mortalium, Gratiose Princeps,
certè in te perspicuum est, qui non vnam ali-
quam, sed omnes virtutes in te habeas: fit vt
nemo ex doctis, bonisqüe viris, te non amet,
non admiretur, non prædicet. Quem vero ad
te, non metuenda, amari enim vis, non metui,
sed obseruanda potius magnifica ista oris tui
probitas non rapiat, generosæ formæ dignitas
non alliciat, suauissima humanitatis mollitu-
do non inuitet? Vt ne obticeam singularem
animi candorem, morum festiuam quandam
comitatè, & exquisitam doctrinam pari iun-
ctam eloquétiae, quæ singula vt donemus ali-
bi inueniri paria, vix tamè eodem omnia tam
concinne credimus confluxisse. Quibus tu do-
tibus ornatus & instructus, velut veneranda
quædam Siuada (ità enim commodius alluse-
ro ad nobile nomen tuum illud, quod vene-
rādum aut præmio dignum Græcis sonat) nō
solum quocunque vis trahis exterios hospites,
immo

E P I S T O L A

immo hostes, si qui extiterant, in morem ideæ venustissimæ, in cuius amorem pellicis. Evidenter es tu dignus hoc Apulei elogio, inter doctos nobilissimus, inter nobiles doctissimus, inter virtuosque optimus, & illud adjiciendum, inter omnes modestissimus. Ut enim antiquam generis claritatem eruditione, eruditionem mirro vitæ candore decorasti, ità his omnibus omnium pulcherrimum apicem & colophonem (quod aiunt) addidisti, mirabilem animi modestiam. Quæ, inquam, modestia, quæ virtus, qui affectus, non à natura, nec ex vulgari Musarum virtute venit, aut earum afflatus solito concipitur, sed reuera donum nouum est spiritus, & altior è cælo afflatus. Accedit huc, quod hinc est, quod plerique tuam nobilitatem, non ex imaginibus, quas claras accepisti, non ex diuinijs, quarum tibi copia honesta est, sed ex virtute dimetiantur. Vera quidem nobilitas, quæ virtute comparatur, nouimus τὸν ἀυτοῦ ἐνγένει, τοῦ καὶ ἐναρπάτου. Sunt qui te & pieta & eruditione insignem esse sciant, ideoq. te amabilem esse dixeré iuxta Antisthenē, τὸν ἀγαθὸν αἰσθασόν εἶναι. Sed hīc nec institui tuarum laudū

pane-

N V N C V P A T O R I A.

panegyricon, quare inhibendus mihi videtur epistolæ meæ cursus, prolixior fortassis quam pars sit, aut sint, qui me magis adulari quam gratulari censeant. Antequā manum tamen de tabula, hoc primum C. T. latere non volo, me quidem per somnium non cogitasse, vt hoc inertis ocij mei poëmatum, aut si forsitan dixeris somnium, aliquando publicum indipisceretur Emporiū, verū cum viri aliquot non in celebres, & ij quidem non indocti, inter chartaceam meam supellectilem carmen illud forte conspicerent, & cum aliqua voluptate, & facile legissent, ingenuum esse arbitrati sunt, si publicis diatribibus id communicaretur, ne hanc musam, Musis, nobisque, tantum peperisse videamur. Vixit itaque hominū bonorum & officiosorum precibus: malui nunc in reprehensionem quorundam incurrere, quam labe parum benevoli amici notari. Mandaui igitur tandem prælo, vt quemadmodum quondam ego inquis pressus sum fatis, ità & nunc Musa mea suæ fortunæ experiatur aleam, idq; sub amplissimæ auctoritatis tuæ præsidio, ceu Aiacis Clypeo. Non enim sum nescius, quam nihil ferè scribi possit nasuto & versipelli hoc nostro

· EPISTOLA NVNCVPATORIA.
nostro seculo, quin aut hunc, aut illum offendat. Quando quorundam ingenio genioque malo ita comparatum esse videmus, ut cum nihil posteritate dignum praestare possint, aliorum tamē lucubrationes τάσσον μῶμονται, ή μη μονται, hoc est ut vocū habet collusio, citius calumnientur quā imitentur. Hodie sursum deorsum indiscriminatim aguntur & miscentur vniuersa, in omnes nunc adeo, & in omnia vniuersum orbem grassatur ἡ διαθολή, plusquā Lucianica furijs, iurgijs, inimicitijs plena, ita regnat centiceps hoc animal, inuidiae Hydrā puto, ut vix centum Hercules, à quo tamen unus Hercules immunis eus sit, aduersus hoc praualere quid queat. Quod supereft clarissime Princeps, ad maiora olim tibi consecranda, mihi egregiè addes calcar, si tibi versus aut lusus meos placuisse intellexero. Vale, O amissimum Episcoporum decus, O & praefidium & dulce decus meum: Vale iterum Leodij Anno Christo ab inferis redeunte

1565.

TRI-

5
TRIVMPHVS MUSICVS
ILLVSTRISSIMO PRINCIPI, EI-
DEMQUE NOVO PRÆSVLI LEODIENSI
D. Gerardo à Grousbeec, gratulationis
ergo dicatus & conscriptus.

Musa, age, præclarum dignum virtute triumphum
Erige, Principibus præmia danda viris.

Et quamvis grauibus multum sis feſa periclis,

Hoc tamen, haud tristi mente subibis onus.

Vrbis est diues opum, populo celeberrima, felix

Claris ingenij, & probitate virum:

Montibus excelsis, fossis atque ædibus altis

Eminet, & vallis nobilis atque vadis:

Scilicet antiquo de nomine Legia dicta,

Hic ubi fructiferos Mosa rescindit agros.

Mille ubi quis cernat viridaria, gaudia mille,

Alcinoi esse putas, Hesperidumque nemus.

Floribus omnigenis, florumque coloribus almus

Ludit ager, ludunt compita, stagna, lacus.

Inuidet huic Pastum, nec fert bene Roscida Cypris,

Quod vigeat tanta fertilitate soli.

Splendida seu species Cereris, seu munera Bacchi.

Hæc alias plures exerit ante caput.

B Exerit

Vrbis Leodine
encomium.

Leodium
olim Legia
dicta.

Hortoru cul-
tus & terrena
fertilitas.

TRIUMPHVS

*Legia altera Exerit ante caput tantum velut altera Roma,
Roma voluptiferis luxuriosa bonis.*

**Palatum à Hic vbi spectantur p̄eclarā Palatia ad eadem,
Cardinalis à Regia quae multo splendet honore domus,
Marca felicis sime memorie Atria conspicies illic, t̄ limina sacra,
Omnia Marcaici quae monumenta Ducas:
Cui tu sancte Pater quondam largitus honores,
Velaras cocco tempora cana sacro.
Ista verecundo Leodina Palatia gressu
Omine felici Musa decenter adi,
Quae colit à Grouseec Presul modo iure Gerardus,
Phanicolas inter Dia corona patres:
Huic bene composito vultu, reverenter & ore,
Talia deflexo poplite verba refer:
Ad nouum Grouseccæ gentis decus, illustrißime Princeps,
Præfulem grātulatio. Sacra Eburoniacæ qui regis arua plaga:
Sit felix, fortunatum, sit denique faustum
O princeps, Christo quod Duce munus obis:
Si meritis Fortuna tuis respondeat, illi
Nil debes, certe debuit illa tibi.
Quanquam non adeo donis te ingentibus auxit,
Ut non sint meritis, illa minoratus.
Dignus es o summi caput ut tibi Phœbe, galero
Purpureo exornet dextera Pontificis.*

Sed

MUSICVS.

*Sed traxit nimium portu mea cymba quietem,
Tempus adest dubijs tradere vela notis.
Musa, age, p̄eclarum dignum virtute, triumphum
Erige, principibus præmia danda viris.
Credo aliquoā numen subiens præcordia, mentem
Excitat, Heroum quod iubet acta sequi:
Aut Deus, aut certe Dūstalia proximus audet,
Mens mea nescio quo pulsata furore calet,
Exilit ingenium, Musis insurgit, & ardet,
Et tamen haud fuerit nostræ opis, istud opus.
Phœbe potens numeris, teneraque etatis alumne
Integrit, & pacis suasor, t̄ arte potens,
Seu te delineat rupes Parnassia, Xanthus
Sive Chymæra fusiluore placet,
Aut aliis quicunq; locus quem forte sacrarunt
Afflati Vates numine Pierio:
Arrige nunc aures, nostris illabere cæptis,
Atque sies nostræ portus t̄ auraratis.
Hac me sub rerum modo tempestate volentem
Scribere, perturbat liuida turba, scio:
Qui Curios simulant, & Bacchinalia viuunt,
Laus quibus est cordi nulla, vel artis honor.
Nos quoniam titulis, & honore caremus inani,
Et mihi diuitias fors inimica negat,*

*Inuocatio A^m
polinis.*

*Sciētia nō habet inimicum nisi ignoran-
tem.*

B 2 Non

TRIVMPHVS

Non tamen idcirco nostra nos laude putabunt

Frustari, aut nullum promeruisse decus

Non sumus incelestes, facili me carmine notum

Vatibus annumerat Patria nostra suis.

Fortune misera ratio & illius fio. *Erigit indignos, dignos fortuna repressit*

Quis potis, illius vim prohibere malam?

Summa eadem ridens, gaudet conuertere in ima,

Imaq; que fuerant redditia summa facit.

Patientia est solida virtus. Unica soletur nostros patientia casus,

Quae solida semper sub ratione manet.

Christus suos electos tuerit. Christus nimirum proprij defensor honoris,

Non sinet electum (crede) perire genus.

Hunc igitur tenui contendam flectere versu,

Vt regat exiguum per freta duraratem.

Christus mihi unus & verus. Hic equidem solus pulso facit omnia Phœbus,

Apollo. Unicus & verus semper Apollo meus.

Huic ego si placebo, non displicuisse nocebit.

In doctis, laus est posse placere bonis.

Dixerit audaces aliquis me egisse (amenas,

Nec non præcipites exhibuisse sonos.

Non sunt in nonum, fateor, quod debuit annum:

Præsi, nec cura cum graviore dati:

Hoc sit victoris numeris, quos anxia multo

Cum studio Vatum sollicitudo premit.

Ha

MUSICVS.

Hi nostri cito conflati, cito claustra relinquent,

Vt leuibus peninis in sua fata volent.

Musa, age, præclarum dignum virtute triumphum

Erige, Principibus præmia danda viris.

Vt tantum mereare Ducem, deprome pharetra,

Mnemosynon, nostri quo meminisse queat

Audendum, timidi nunquam statuere trophyum,

Ignauos equidem gloria nulla manet.

Iceler, optatum inuenies & habebis amicum,

Quem dare non alium sacula posse putes.

Quod si ait, eximia clarissima nomina vena

Ornantur, sordent horrida scripta Duci.

Magnanimum in Troias vates Smyrneus Achillem,

Mantius Aeneam, Cygnus & ipse canit.

Noluit Augustus nisi quod (Suetonius inquit)

Sit graue, & effectum sciuerat à graubus.

Magni & Alexandri celebri nisi vultus ab arte Non ex quo-
vis ligno fin-
gitur Mercur-
ius.

Noluit exculti, tradit vt historia.

Si dicat, nolo gelidissima pallia Cosmus,

Purpuream mittas sed mihi (posco) togam.

Responde, Princeps nostri doctissime facti,

Est aliqua & parua gratia Calliope.

Inspece Minciadem, tenui qui carminis orsa

Ante virum culicem lufit, & ore rudi.

B 3

Ambro-

Parva non
aspernanda.

Non ex quo-
vis ligno fin-
gitur Mercur-
ius.

TRIUMPHVS

*Ambrosio quamuis tua frons sit nebstare fusa,
Atque Hælicon sacro lauerit amne coiam,
Non tam exiguum paruo de flumine riuum
Spernet, nec tremula Stamina rauca lyra.
Nam si lauta minus data res, est lauta voluntas:
Id vidua monstrant era minuta duo.*

*Et superis mola salsa litat de supplice mente,
Reddunt thuricremas arua sabaea faces.*

Adagiū ^{et} celebre, mola salsa litat, qui thura non habet. Redditas sic meruit sitienti lympha Dario;

Pomaque sic Cæsar Maxmiliane tibi.

Non donum, Si Princeps mentem, non munera pensaret, illa sed donanis animus spectat. Si placeo satis est, conditione, mihi.

Grande cothurnato meditetur lemnate carmen.

Quilibet Heroum gesta superba canens.

Atque Medusei petat alta cacumina montis,

Ungula quem fudit Bellerophontis equi.

*Aonios latices, quibus est sitis alta, requirant,
Agoscit an etor per Tapis nostrum, suara facitatem, hoc est ingenij sui tenuis atem.*

Me leuis in valles que fluit vanda, iuadit:

Nam mihi clauerunt Dircea flumina Nymphae,

Et mihi Parnasi blanda fluenta negant.

Arida Clitorio mihi vix sitis amne leuatur,

Vix mihi Salmacidos mollia damna patent.

O mihi si tantum præberet Apollo Cothurnum,

Quantum concepit docte Sabine tibi!

Annus-

MUSICVS.

8

*Annumerat summis quem Teutona terra Poëtis,
Et celebrat Uate in tempus in omne suum.
At tua me probitas longè, tua vivida virtus
Vincit, & est versus non bene picta meo.
Musa, age, præclarum dignum virtute, triumphum
Erige, Principibus præmia danda viris.
Hoc duce contemnes nasutos, deniq; nasos,
Scyllæam rabiem, Zoileosq; lupos:
Fille suo clypeo, velut AEgide Pallas ab istis
Defendet Momis, ingenijsq; malis:
Hoc duce tu poteris motos euadere fluctus,
Optatumq; petet parua carina locum.
Quare age compactæ soluas retinacula clavis,
Et per agas tuto quod tibi restat iter.
Tolle age, Musa patrem venerandū, tolle Camillum,
Quo nil candidius Romula terra tulit.*

Innumerabilibus quo non fuit alter ab annis
Princeps doctrina, justiciaq; prior.
Dardana Pontifices numeret si Roma vetustos,
Et Patriæ Patres, Cardineumque decus,
Cernerit aut intra residentem mœnia Petrum,
Quosq; Petri vidi primâ statuta sequi:
Auspicio quorum parebant orbis, & turbes,
Auspicio quorum floruit aucta diu.

Cælica

TRIUMPHVS

Celica quos coluit totus ceu numina mundus,
 Imperioq; dabant subdita colla suo.
 Credimus ab tacito suffusa pudore doloreret
 Quod cadat heu nimium religionis bonos.
Romanorum
etim latus.
 Rebus & amissis restent quod nomina tantum,
 Umbram quod videat, vix superesse sacris.
 Cernit opes, fastumq; grauem, cum sanguine fraudes,
 Inuentas, & per fusa venena decus.
 Sed cecidere fides, pietas, dilectio, candor,
 Integritasq; Patrum semita trita pede.
 Ista videt lugens, annosq; redire priores
 Postulat, & veram, cum pietate fidem.
 Ista videns, inquam, mores & moribus optat
 Esse pares priscis, tempora temporibus.
Leodinorum
consensus ac
consilium
de eligenda
do novo Pre-
sule.
 Inclyta sed rapidi melius gens accola Mose,
 Consuluit rebus, non sine laude suis:
 Tot proceres inter generoso sanguine natos,
 Dum sibi delegit Pontificale decus.
 Pontificale decus, quo vix præstantius ullum
 Mitratos inter est reperire viros.
 Scilicet antiqua productum stirpe Gerardum,
 Inter splendentes, nobile lumen, auos.
 Laudibus omnigenis bene nobilitatus, & arte,
 Grous beccæ Præsul gloria magna domus.

Præsule,

MUSICVS.

Præsule quo stabunt fortissima Stamina Iuris,
 Ne miseros pellat Curia surda viros.
 Præsule, quo nullus falso sub iudice pauper,
 Justitiae poscit Stamina rupta queri.
 Præsule, quo recident hostilia monstrat tyranni,
 Ne ferat illicitas saeva Tyrannis opes.
 Musa, age, præclarum dignum virtute, triumphum
 Erige, Principibus præmia danda viris.
 Præsule, quo linquet niueos discordia ciues,
 Concordesque reget pax & amica quies.
 Præsule, quo capiet priscas Ecclesia vires,
 Et rabidos Christi spernet ouile lupos.
 Præsule quo iustos reparabit clerus honores,
 Clariq; sublatum tollet ad astra caput.
 Præsule, quo sacrum sapientia vera Senatum
 Augebit, ciues fors simul ampla bonos.
 Præsule quo rerum modo publica commoda stabunt,
 Siue gerat pacem, seu graue Martis opus.
 Præsule quo varijs florebit patria rebus,
 Moribus, ingenij, arte, nitore, fide.
 Inclyta congaude quod talis patria Præsul
 Obtigit, antiqua vir probitate grauis.
 Qui tua suscipiet forti moderamina cura,
 Impositas mira sedulitate vices.

9

Pax & con-
cordia ciuium

Antiqua re-
ligio.

Reformatio
cleri.

Senatus præ-
dens.

Omnia Flo-
rebant sub hoc
Præsule.

C Est

TRIUMPHVS

Diuina bonitatis & clementia.
 Est ea siderei bonitas immensa parentis,
 Qui sine Principio, qui sine fine manet,
 Rebus ut humanis fessis, orbiq; ruenti.
 Consilio occurrat, prospiciatq; suo.
 Forte Deum nuper caelo despexerat alto
 Rector, nil recto viderat esse statu:
 Et penitus totum concussum motibus orbem,
 Alludit, ad intestina eaq;
 nuperrima Francie bella.
 Esse pericla solo, damnaq; multa salo,
 Omnia plena metus, horroris & omnia plena;
 Et sectas sectis, & mala iuncta malis:
 En hominum suetus miseros miserefcere casus,
 In melius nutu mox facit esse suo.
 Sicq; nouus Praeful, nouus hic virtutis alumnus,
 Siderea nobis gratus ab arce datur,
 Qui fidei causa succurreret, atq; per urbes
 Consilium praesens, praesidiumq; daret.
 Qui prauis plagas, rectis decernat honores:
 Iusq; datum, nutu temperet omne suo.
 Exclamatio gessientis.
 O latum festumq; diem, qui numine dextro
 Hoc dedit in nostros numen adire lares!
 Diuitis ingenij viget illi gratia, qualem
 Dotes Principis.
 Vix paucis dederit de tribus una soror.
 Copia multiplicis, ratioq; facillima linguae,
 Consilium, probitas, Principe digna fides;

Munera

MUSICVS.

10

Munera amabilium plusquam ciuilia morum,
 Suaviloquo veniens comis ab ore lepor.
 Illius at praeter dotes quas diximus illas,
 Est aliud quod eum laudis ad astra rebat:
 Clara domus quamuis, licet & sint stemmata clara Is demum nobilis, quem nobilitat sua virtus.
 Nobilior tamen est, nobilitate animi.
 Nobilitatem, isthanc ab inermibus imbibit annis,
 Culta diu hanc illi musica vita dedit:
 Inquit enim ingenuas didicisse fideliter artis Ouidius.
 Emollit mores, nec sinit esse feros.
 Natus & Aonidum puer enutritus in vlnis,
 Nunc vir ad Aoniadas regia sceptrta trahit.
 Illius, hac quamuis ornent insignia, laudes,
 Hac alijs virtus anteferenda tamen:
 Quod minime illius ventosa superbia mentem
 Inflet, & immodico peccus honore leuet.
 Equum conseruat fortuna in utraq; tenorem,
 Hic summa dignum quem facit esse modus.
 At qui fortunae moderari norit utriq;;
 Is niueis coruus rarius effe solet.
 Nam voti compos, Leodina & sede potitus
 Nil tumide fecit, nil sine mente Dei.
 Tot fracta, tantisq; suis virtutibus, omni
 Inuidia, fastus nil tamen inde patet.

C 2

Si

Aequanimitas virtus maxima.

TRIUMPHVS

Sitamen hæc virtus forsan conceditur vlli,
Hanc totam Praesul debet habere sibi.

Deniq; quid remoror verborum pondere caso?
Omnigeno fulget munere Mnemosynes.

Illi⁹ insigni poterit quis dicere Musa
Facta, vel immensum commemorare decus?

Quis laudem illius gentis, quismunera fando
Explicit, aut lacrymis par queat esse pijs?

Victa silet Pallas, mutescit virtus Apollo,
Castalijq; tacent agmina docta lacus.

Singula quām potero iusto sermone referre,
Margine pars nostrō nulla maneret iners.

Bruma prius viridi pomum mirabitur horto,
Tecto pendentem stiriam & ipse calor.

Aut prius orbis erit sine lumine, numine cælum,
Aut doctus docto carmine Apollo sine.

Musa, age, tolle Patrē Venerandū, tolle Gerardum
Præpositum nostrum, Pontificisq; virum:

Viuat longum, clames, pius ille Patronus,
Grouſſecca gentis gloria, viuat io.

Tolle decus, daq; alta virūm volitare per ora,
Nec pereant vita nomina clara ſuæ.

Nomina non gemmis, nec sculpta adamante, nec ære,
Nec qua Praxiteles clarus in arte fuit:

Hibil, preter
litterarum
monumenta,
nominis im-
mortallitatem
confert.

Nec

MUSICVS.

II

Nec remanet Coius Venerem qua pinxit Appelles,
Ut Myro conticeam facta stupenda tua,

Sed quæ sunt chartis mandata fidelibus, atque
Argutis calamis, illa perenne manent.

Dic vbi Pryamides, atque ardua Mausolai
Saxa? vbi Lysippi, Phidiacumque genus?

Musa, age, præclarum dignum virtute triumphum
Erige, Principibus præmia danda viris.

Nulla forent Phrygia Neptunia mania Troiae,
Nullaque sublato carmine Roma foret.

Carmina ſola viros dignos ad sidera tollunt,
Atque wetant unquam carmina ſola mori.

Musæ Heliconiades, (bilarantia numina) Musæ
Pandite nunc fontem, pandite quoſo mihi:
Hic opus, hic labor eſt, veftro conamine dignus,

Sum rudit, & ſacræ me ſitis vrit aquæ.
Vos quibus in versu minor eſt facundia, vena

Quamuis ornarint vos leuiore, Deæ,
Exiguis elegis (quanquam res poſtulat iſta

Proxima Vergilio carmina) parua date:
Huius ut Herois virtus, & gloria vasta

Nunc, facire, exili carmine ſemper eat.
Vadat quo Soarutilans regione coruſcus

Lucifer, optato lumine Phæbus adeſt.

Dignum lan-
de virum
Musa vetat
mori.

Exhortatio
ad Musas.

Ad Poetas
minoris facu-
dia.

C 3 Aut

TRIUMPHVS

Aut ubi quadrivii is iam Sol defesus habenis
 Igneus, hesperia parte cubile petit.
 Pierio vates afflati numine sacri,
 Tempora quis circum laurus odora fragrat,
Poëtarum off- ficium. Quis studium laudare viros Heroas, & alta
 Inlyta virtutis gloria mente sedet:
 Sint vobis faciles nunc sacrae Aganippidos vnde,
 Et flauam Herculea cingite fronde comam.
 Ferte citi calamos, date carmina, tangite plectra,
 Ferte triumphales ad mea dicta modos.
 Hic vobis incumbit honos, quis Cynthius auctor,
 Pocula Pegasea plena ministrat aqua.
 Ut per vos procerum sit duratura per annos
 Virtus, extremo non obitura die.
Princeps do- etos colit ipse Non tam Vergilium Caesar dilexit, Horati
 doctissimus.
 Tuscus equus Musis non ita dexter erat,
 Ut solet esse viros Praesul propensus in omniis,
 Quorum Castalicus perluit ora liquor.
 Tolle, age, Musa Ducem nostrum super aethera, tolle,
 Ne pereant vita nomina clara sue.
Allusio ad nomen & co- gnomen Prin- cipis. Quam bene cognomen Grousbœc, nomenq; Gerardis
 Praesul habet, virtus, & beneficia probant,
 Nam venerabilius nil eo cognouimus uno,
 Castalium casto cui fluit ore melos.

Ardua

MUSICVS.

12

Ardua, siue ardens quem fert super aethera virtus,
 Et pia trans nubes mens sine nube nitens,
 Dilige: qui poscens ut in armis Symbolon effet,
 Unde illum merito diligit omnis homo.
 Omnis homo Christum qui diligit, & sibi membra
 Proxima, per nubes transit in astra poli.
 Qui puer Aonios sacro de fonte liquores
 Haesit, & erigi Bellerophontis aquas
 Unde velut largo manabunt commoda riuo,
 Atque reflorescent religionis opes.
 Hoc Duce erit paßim pleno bona copia cornu,
 Larga diffundens munera cuncta manu.
 Musa, age, præclarum dignum virtute triumphum
 Erige, Principibus premia danda viris.
 Floret Pegaseo tellus Leodina liquore
 Sparsa, colit sacras claras Apollo domos.
 Siue opus Aonio deducere numine carmen,
 Carmen dictabunt vndeque pierides.
 Siue opus argutis quidquam mandare papyris,
 Hac tibi prædiues copia ab urbe fluit.
 Singula ubi iusta perpendunt facta bilance,
 prudentis parteis, ac sapientis agunt.
 Splendida doctiloque, qui edant phareramina pithus
 Queque Oratorum docta caterua tenet.

Quid

TRIUMPHVS

Quid referam antiqua nimium probitate magistros
 Qui iuuenes doceant, qua didicisse iuuet,
 Scandere qui faciant Christo Duce et auspice callem,
 Quem Samius celebri praetulit arte Sophus.
 Juste igitur princeps à cornibus atque fluentis
 Munere fatali nomina & arma gerit.
 Munere fatali, Cathedrali tamen in aede locatus,
 Commutat curas lusibus atque iocis.
 Quod cupiebat habet, tota cum gente suorum
 Ætherco resonat iubila clara Duci:
 Promit io letum, gaudet, canit, atque triumphat
 Huncque diem gemmis, ac adamantenotat.

Electio Principis nostri. Quo Leodineæ sacra per solennia sacra
 Electus puppis tu moderator eras,
 Roberti à Bergis verus successor & heres,
 Cui de virtutum robore robur erat,
 Allusio quoque ad nomen principis Roberti a Bergis scilicet me morie. Qui velut immotæ fortissima robora quercus
 Immotus pulchre fixit vbique pedes.
 Quem Deus (aeterno qui dirigit omnia nutu)
 Roboret, atque animæ prosperitate beet.
 Hac ubi vitales erat auras nactus, eadem
 Vitali cassus lumine in urbe fuit.
 Lumine vitali cassus fuit, idque calendæ
 Iani luxerunt, hic data versus agit

Ex quo

MUSICVS.

Ex quo iam populi vox nuncia venit ad aures,
 Hunc fere præpositum Pontificisque virum,
 Ecce salutatum tres Nymphæ adiere patronum,
 Quæ de virtutis nomine nomen habent.
 Alma Fides ridet Fidei assertore, nouata
 Spes vetus, & sperat posse tenere decus.
 Præsule tam caro superis, mortalibus æquè,
 Exultat magna cum ratione xpis.
 Quattuor his comites, prolixo crine decoræ,
 Distaque de firmis numina cardinibus.
 Cardineo membro, tantum gratantur honorem
 Atque diu poscunt, posse salute frui.
 Iustitia, & rerum prudentia, fortia calcans,
 Et seruans semper Nympha decora modum.
 Quarum una ante alias, quæ formosissima, oliue

Pratendens ramum gaudia mille parat.

Gaudet ab exilijs quod sit reuocata squalore,
 Et quod in antiquas restituetur opes.
 Et comitata suis aderat Sapientia Nymphis,
 Nymphis non hortis quæ aurea mala legunt.
 Nymphis, non Daphnem quæ dilexere decorum,
 Sed quæ in felici monte Sionis agunt.
 Prima ibat Pietas, sequiturque Modestia, & illa
 Quæ duros casus fert patienter ouans.

D Ibat

13

Plausus Deorum virtutum et primo theologicarum.

Fides,
Spes.

Caritas

virtutum,
Cardinalium
plausus,
Iustitia
Prudentia
Fortitudo.
Temperantia

Sapientie comites.

Pietas.
Modestia
Patientia.

TRIUMPHVS

- Probitas.** *Ibat et hinc Probitas, iam longo tempore sprepta;
Quae Ducas aduentu laetior huius erat.*
- Septem virtutes, vitiis
opposite.** *Nec mora, prædictas alias comitantur eentes,
Septem virtutum dicta caterua pia:
Quarum prima alias tantum supereminet una,
Quantum præcedis lumine Phœbe tuo.*
- Humilitas.** *Hæc est quæ nullum præ se contemnit, at odit,
Et sese, et fluxas totius orbis opes.
Hac celo et terra iuxta gratissima Dina
Humanum transfert in sua regna genus.*
- Candor.** *Progreditur Candor radianti ut Cynthia vultu
Optans mitrato complacuisse Duci.*
- Liberalitas.** *Tertia quæ niuea largitur munera fronte,
Notificat gressu celsa trophya suo:
Fulgor habet faciem, proladunt vertice crines
Aurati, stipant labrea colla humeros.
Quarta hinc festinat tanta ad solennia, Nympha,
Quæ execrat mores Sardanapale tuos.*
- cautus.** *Nec non se sociam quinta inde sororibus addit,
Quæ fratri indulget lenis ubique suo.*
- Mansuetudo.** *Et quæ non nimium ventrem, vel molle palatum.
Curat, sed modico vesicatur illa cibo.*
- Frugalitas.** *Euphrosyne Graio de nomine dicta, latinis
Frugalis dictus, qui facit istud, erit.*

Quæque

MUSICVS.

14

- Industria** *Quæq; iuuat vires, et opes Industria condit,
Latitia varios exhibet atque modos.*
- Deorum plan-
sus** *Postquam Celicolum cupidas impleuerat aures
Fama volans, talem patriam habere Patrem.
Deseruere suas celestia numina sedes,
Poscunt terrenum numen adire nouum.*
- Bacchus** *Bacchus luctantes freno compescere Lynxes
Gaudet, et in læto carmine carmen agit.*
- Saturnus** *Saturnus curuaretinens sub imagine falcam
Ceu postlimnio tempora lata feret.*
- Musa, age, præclarum dignum virtute triumphum
Erige, Principibus præmia danda viris.*
- Neptunus** *Neptunus placidos vultus quoque tollit in undis, Neptunus
Promittens tumidi munera grata maris.*
- Vulcanus** *Ignifer et vetuit Cyclopas crudere tela
Tela catapbrattis obijienda malis.*
- Mercurius** *Et sacer interpres, fidissima cura Deorum
Athlantis magni, Pleionesque nepos,
Aurea subnectit pedibus talaria velox,*
- Apollo** *Seu sit opus terram, seu Stiga adire nigram.
Lætus io Phœbus roseo vestitus amictu
Gaudet et exultans bella trophya facit.
Atque serenati renitentia lumina vultus,
Pandit, inauratam tangit ubique lyram*

D 2 Præsentem-

TRIUMPHVS

Pallas. Præsentemque animum vultu promittit odoro,
 Gestans in digitis aurea sceptras suis.
Iuno. Fert & honoratos flores, posita Ægide pallas
 Summis quos præbent attica vota Tholis.
Charites. Iuno mycenæam famiamque relinquit & arcem
 Visa triumphatum velle videre Ducem.
Paphaea. Stant prope Acidalia Charites, quas dicitur olim
 Eunomyne summo progenuisse Ioui:
 Margine dum ludit pelagi per littora, conchas
 pictus dum circum tempora fronde legit.
Aeneas. Stant, astantque viæ comites, certantque vicissim
 Officijs tantum promeruisse decus.
Euphrosyne. Quarum quæ dulces somni sortita Hymenæos
 Pasithea has niuei protulit oris opes.
 Complanetur humus, plateæ sternantur, & omnes,
 Offendat ne aliquid principis inde pedem.
Clio. Est in eo grauitas matura, modestia prudens,
 Socratici mores, Cæsareusque decor.
Aglaia. Esse quis eloquio neget illum Nestor? Ulyssem
 Ingenio clarum, siue decus Clari?
Melpomene. Euphrosyne ore vocat Paridem, probitate Metellum,
 Inquit Aristidem iustitia atque metu.
Calliope. Tertia si patriæ, si religionis amorem
 Quis sciat, est dicet Curtius estique Numa.
Ne

MUSICVS.

Aglaia. Ne claros stringat violentia Solis ocellos,
 Ne sacras æstus denigret ipse genas,
Calliope. Picta serenata præfert umbracula fronti,
 Fronde viret tellus, orbita fronde viget.
Clio. Orbita depingit flagrantia floribus arua,
 Exornant totos & violaria agros.
Musa. Musa, age, præclarum dignum virtute triumphum
 Erige, Principibus præmia danda viris.
Spes. Talia cernentes bifida Parrhaside sylva,
 Aonides omnem deposuere moram.
Nona Musa. Principis Aonij satagentes visere pompas,
 Illi & cultæ lumina sacra domus.
D. 3. Aurea Calliope, Daphnaeis fulta corollis,
 Candida demulcit pectora voce, lyra.
Spes. Hunc decet esse Deum coniuuam ait esse beatum,
 Atq; frui semper Nectare & Ambrosia.
Clio. Concipit hinc Clio, placidas sic orsa Camænas,
 Principis in laudes officiosa sui.
Spes. Viue nouenarum pia gloria, viue Dearum,
 Nec prius hinc abeas, quam prius ipse velis,
Spes. Melpomene Tragicis positis quoq; blæda Cothurnis,
 En aliquid solito lætius ore sonat.
Spes. Quem dedit Altitonans nobis, sacrisq; Patronum,
 Nunc studio vigili, dicit, amandus erit.

TRIUMPHVS

*Spes erit hoc patriam Duce posse quiescere sectis,
Posse & in antiquum rite venire decus.
Et sic post, reliquas, de ter tribus vna, locuta est,
Dicit Erato, pharetris alma cupidineis.*

Erato.

*Dignus hic orbis amor nostris amplexibus vti,
Muneribus nostris dignus hic usque coli.
Euterpe calamos iucundis flatibus implens,
Signa animi grati qualiacunque dedit.*

Euterpe.

*Principis extollit faustum fausto omne nomen,
Principis optatum testificatur iter.*

Terpsichore.

*Terpsichore, cantu, choreis saltuque tumescens
Non celat mentis gaudia sacra sua.
Nobile, ait, specimen virtutis, maxime Princeps,
O vita, o requies pectoris una mei:
Una mei & studij, semper iucunda voluptas
Viue tibi longo tempore, viue, mihi.*

Thaleia.

*Et decet, innumeris scriptis efferre, Thaleia
Inquit, & illustres, Palladiosque viros.
Surgit apollino nullum sine numine nomen,
Carmina perpetuum viuere sola dabunt.*

Polymnia.

*Carminibus certat laudare Polymnia, talem
Mellifluis Patrem, Pierissque bonis.
Urania Aetherei virgo doctissima regni,
Illi obscurum non cupit esse decus:*

Vania.

Te

MUSICVS.

16

*Tesmea laude feret summa, & praeonia dicet
Musa, ait, atque colet, teque tuamque domum,
Dum sua stellifero fulgebunt lumina caelo,
Dum stabunt orbi vasta elementa suo.
Postquam virgineus cœtus, velut agmen olorum
Cognata Aonidum corda videre sua:
Musa, age, præclarum dignum virtute triumphum
Erige, Principibus præmia danda viris.*

Permixti veniunt fidibus resonantibus, ille

Qui saxa & Thebas carmine flexit, erat.

*Thratus & Vates fluios qui traxit, & antra,
Orco, qui tandem ceperat Euridicen.
Quos interfuerant festi, Thamyrasque Linusque
Clangentes dulci sifra sonora sono.*

*Aeacus (t) Sappho non tam puto, dulce canebant,
Cum Nymphas Danai, & tartara dira mouent*

*Vsus Terpandrus nec erat dulcedine tanta,
Cum motos fluctus mitigat in populo.*

*Marsia clangebat cytharredo polluce, quondam
Qui contra Vatem luserat Archadicum.*

*Et sacra crinitum mulcentem pectora Iopam
Vidimus insigni, dulcis omniaque Cheli.*

*His nec abesse volunt silvestria numina Fauni,
Cingentes sacras fronde virente comas.*

Chorus Cytha redorum.

Amphion

Orpheus

Thamyras

Linus

*Aeacus,
Sappho*

Terpandrus

Marsia

Iopas

Dii silvae

Casta

TRIUMPHVS

Diana.
 Oreades.
 Dryades.
 Nereides.
 Cerni.
 Pisces.
 Plausus omnium rerum.
 Plausus Leodiniensium.
 Clerus.
 Curia.
 Senatus.

*Casta Diana choros agitat, comitantur eandem
 Oreades, Dryades, Nereidesq; Deæ.
 Ecce leues cerui nunc altis montibus errant,
 Atq; foras mittunt quælibet antra feras.
 Ludunt natantes squamosi in gurgite pisces
 Ecce paludanis rana coaxat aquis.
 Quin etiā genus omne hominū, genus omne animatū
 Latitiam certat notificare suam.
 Fonte Cabalino scatet arx Leodina per artua,
 Omnia fœcundis roribus aucta madent.
 Prataq; odorato fragrant reuirementa flore
 Et vestita nitet terra colore nouo.
 Omne nemus frondet, fructus fert arbor & omnis
 Pubescit factu vinea largif luo.
 Cuneta itaq; cùm plaudat, calū clamoribus implent
 Ingenti, & satagant omnia letitia.
 Quanto magis debes Leodina vrbs fessa triumphis
 Esse, tui in laudes officiosa Duci?
 Hospite nunc gaude tanto, latare, triumpha,
 Principi agas plausus, lataq; signa nouo.
 Obvia procedens illi sacra pompa decenter,
 Dulcia decantet cantica sacra Duci.
 Illum omnis niueo redimitus clerus amictu,
 Atq; suo excipient oppida queq; sinu,*

Nunc

MUSICVS.

17

*Nunc proceres, populus, nunc curia tota, Senatus, Nobilit̄ pro-
 ceres.
 Sint habitu festo, purpureisque togis.
 Compositis ciues (gens Martia) signa trophæis,
 Figant, officiū quilibet arma gerat.
 Nunc tormenta graui crebrescant ærea bombo,
 Pulsa suo sonitu grandia sistra tonent.
 Nunc piceis addant circumflammantia tædis
 Vasa, suo niteat quælibet igne via.
 Publica latificas queque ornamenta Camenæs,
 Cumque suis teneat lata platea foris.
 Musa, age, præclarum dignum virtute triumphum
 Erige, Principibus præmia danda viris.
 Flores & virides frondes spargantur ubique,
 Siue locus sacer est, siue prophanus erit.
 Insolitis Iuuenes celebrent proscenia ludis,
 Carminibus certent, templa, theatra, tholi,
 Nunc passim resonet dulcissima Musica, passim
 Cymbala cum cytharis, tympana cum lituis.
 Auribus, atque oculis multum gratissima cœtus
 Rhetoricus promat dicta, salesque, iocos.
 Solemnisque parent, festos per & atria lusus,
 Cum puero casto, casta puella choros.
 Hæc fieri solito, per publica gaudia, more,
 Cesareæ leges, iuraque sacra iubent.*

E

Nullum

Populus.

Ornamenta.

Flores.

Spectacula.

Musica.

Cytharedi.

Rhetorica.

Tripudia.

TRIUMPHVS

Nullū erit huic viciū, qui viuere tempore prudens,
Atque suo nouit despūisse loco.

Precatio ad Deum pro Principe.
Interea tu summe parens, qui cuncta gubernas,
Qui Deus, & renes, corda q; teēta probas,
Eia Duci faueas, tua pascua, quæsque regenti,
Vt spiret velis aura secunda nouis.

Ocia litteraria.
Ocia ut per eum eueniant optata sed ocia nobis,
Ocia Pierijs semper amata choris.

Leges vt per eum, renouentur, & oppida, & arua,
Vt tenebris pulsus cuncta serena sient.

Renovatio legum.
Vt sub eo felix semper secura quiescat
Patria, & almifluæ munere pacis ouet.

Encomio pacis.
Pacis, qua rident sacri commertia lecti,
Pacis, qua colitur non nisi summus amor.

Apostrophe ad Principem.
Pacis, qua florent leges, industria, virtus,
Pacis, qua pietas floret, & omne bonum.

Nunc quoq; tu Princeps ad munia tanta vocatus,
Omnia restituas dexteritate tua.

Fac veluti iam cœpisti, iam pectore tota
Perfice, protectus Numinis ibis ope.
Cuncta fauent, cælum, mare, tellus, sidera, venti,
Omnia dant faciles ad noua regna vias.
Fac reminiscaris, quod pacis amator & auctor,
Te Deus, ad populos hac ratione dedit.

Palla

MUSICVS.

18

Pallada sed quid ego docco sus? ligna quid addo
Siluis? quid pelago immittere conor aquam?
Non monitoris eges, nec opus currentibus esse:
Fertur equus stimulis, tu tibi calcar eris.
Eho mei oblitus quasi? quo me proripit, ille
In te nunc animus quo genuinus abit?
Consilium præter, calamus dilapsus oberrat
Principis enim nimium captus amore mei,

Vt tua decantem digna præconia voce,
Id Princeps quanquam non bene posse reor.
Musa, age, præclarum dignum virtute triumphum
Erige, Principibus præmia danda viris.

A Edita confestim, celeriq; obnoxia Musæ, hæc
A te optant nubes fronte, animoque legi.

Quis nouus hic Vates iucundam viuere vitam
Æternam vitam poscit habere Duce?

Ista tuis tantum sint dotibus imparia & si,
Ignifero quantum Cynthia Sole minor:

Si tamen aduertas quanto sint scripta calore,
Grata oculis dices, hæc tamen esse tuis.
Non fuit ista scias, tantum mea causa canendi,
Venerati hic laudes artis & ingenij.
Ingenium veluti non sum sortitus amænum,
Sic prudens minime laudis auarus ero.

E 2 Vera

TRIUMPHVS

*Vera virtus
non eget alio-
rum praecontis.* Vera quidem virtus, nisi se, non laudibus ullis
 Indiget, & laudes non amat immodicas.
 At mea tam vehemens in te obseruantia fecit,
 Ut mea non posset scribere dextra nihil.
 Dum melius norim Lucos & Phocydos vndas,
 Et fuerint faciles in mea vota Deæ,
 Ac aliquando mihi per te sint ocia lata,
 Et sacra afflavit pectoris aura tui:
 Tunc et) Auos, Atauosq; canā, et) benefacta parentū:
 Versibus intexam sapientia ipse meis,
 Ut Leodinorum proceresq; ducesque priores
 Laudibus exuperes equiparesq; tuis.
 Quin latum Pæana canens, tibi sacra sacerdos
 Annua laudatis ritibus insituam.
 Ergo sufficiat deuoti cura Clientis,
 Rebus & in magnis sit voluisse satis.
 Non equidem in pagis solum, sed in urbibus altis,
 Vilibus ornatur quercubus ara Deum.
 Viue, vale, sacra sydus & venerabile gentis,
 Gentis Grousbeccæ gloria, viue, vale.
 Viue nec obliture tui Comes eia Poëta,
 Te mea nunc merito carmine Musa colit.
 Dein tibi contingat post vincula corporis ægri,
 Latus ut ascendas regna beata Dei.

Sed

MUSICVS.

19

Sed nostram Oeagrius cantus circumsonat aurem,
 Multifores buxi, perstrepitusque virum.
 Quare, age, Musa, cito Permeſidos ito sub umbras,
 Donec ab Aonia rupe reuersus ero.
 Cum Deo, & Gratijs.

ORNATISSIMO VIRO HENRI- CO A LOIN. R.P. LEODIENSIS OECONO- MO & nobilium Præfecto.

 Artia si quenquam virtus euexit ad astra,
 Siue animi robur, consiliumq; sagax:
 Hæc te Henrice feret super alta cacumina cæli,
 Ut tua post cineres fama superstes eat.
 Alter es Alcides, Milo robore, et alter Ulysses,
 Et Ducas & patriæ gloria prima tue.
 Inclite militia dux, & pietatis alumne,
 Hoc nostrum, in nostro carmine carmen habe.

HUMANISSIMO DOMINO CA- ROLO ANGELO AQVensi, R. P. LEODI- NO, à sacro, amico & conterraneo suo charissimo Paunellius S. D.

 Carole Aquæsis amor, nec nō cura inclita Phæbi,
 Accipe Paunelli munera parua tui.

E 3 Res

TRIUMPHVS

Res ipse ex ipso quin nomine nomina gestent
 O sua quam rebus nomina conueniunt!
 Laudibus ut reliquos virtutum Carolus olim,
 Utque hostes vicit Marte fauente suos:
 Sic pietate alios superas & moribus, atque
 Angelica lingua, notus ut inde fies.
 Notus Principibus, doctisq; per omnia alumnis,
 Gratia tanta tibi praefita, tantus honos.
 Eia age, fas nostri tanto sint Principe digni
 Lusus seu versus, quos noua Musa parit.
 Viuenda sic nostro tua viuet carmine virtus,
 Si quacunque potes, parte iuuare, iuues.

CLARISSIMO VIRO OCTAVIA-
 NO A PALMA IURIS DOCTORI ET APVD
 R.P. Leodinum, equiti, cuius nomē & co-
 gnomē efficiunt capitales litteræ.

 Cto mihi mentes, linguae sint, oraque cētum,
 Centoculus quamuis Argus & ipse forem
 Tanto euidem nequeo dignos Duce scribere versus,
 Attica, cui prorsus Calliopeia fauerit.
 Viuenda sic vincit virtus sic candor, honestas
 Illius, ut versu sit male picta meo.

Alterius

MUSICVS.

20

Alterius laudes tentat qui scribere poscit
 Nobile Maonij grande poëma senis.
 Velpetii eloquium Tulli, vel plectra Maronis,
 Seu Peligna barbyta grata lyra.
 Aurea Smyrnai, non quero poëmata ratis,
 Percelebrem linguam nec peto Marce tuam.
 At Ducis ut possim præclara extendere facta
 Laude, tuas vires, ingeniumque peto.
 Munere me magno, me affectum perpetue palma
 Agnoscam, mea, me, si placuisse ferant.

Ad doctissimum virum & M. Dominicum
 Lamsonium R.P. A secretis, auctor ipse,
 qui in litteris patet.

Pæsti forsitan violæ non iure colono,
 Aut mittenda nouo vilia dona Duci.
 Vilia dena decet dare, quam dare nulla, disertis
 Nobilibusque viris, mens bona, munus erit.
 Et quoque præcocibus Ruri, quam vermbus esis:
 Lector heros ribus demeruisse volunt.
 Lautior exhibit Paunelli vietima septis,
 Imbiberit quando plus Heliconis aquas.
 Ut seges ingenij primogenia extitit isthæc,
 Sic bone vir primum parce, faueque mibi.

E 4 AD

TRIUMPHVS
AD SVAVISSIMVM VIRVM AM-
BROSIUM LOITS R.P. LEODINO AB AD-
 ministrione &c. cuius nomen & co-
 gnomen in sequentibus litteris
 capitalibus pro-
 duntur.

*Ambrosia Ambrosium te Dux & Nectare pascit,
 Mores quod sapient Nectar & Ambrosiam.
 Bellorophontei quod ames pia Numinarum,
 Rebus & in cunctis fidus ubique Duci.
 Olim miscebat Ganymedes pocula grata,
 Sidereo, Ambrosiam, munera dia Ioui.
 Illustrem quibus Heroem tu missibus ornas,
 Vincunt Ambrosiam mellifluasque dapes.
 Splendida nil faciunt coniuia, pocula plena,
 Luxuriosorum mensa quid ipsa iuuat?
 Omne ferunt punctum, sed prandia adaucta facetis
 Ingenijs, doctis condecorata iocis.
 Talia amas, Princeps & talia diligit, à quo
 Summe etiam cuperem diligi, & esse Cliens.*

V. D O

MUSICVS. 21
V. DOMINI, ET M. LDOVICI
EPISCOPI MECHLINIENSIS, TRAIECTI
 Mosæ maiori Ecclesiæ à succentu vocum,
 carmen in triumphum Principis.

 *Ic nemus umbrosum, viridaria, frigida Tēpe,
 Fons ubi castaliam nobilis vdat humum.
 Fons ubi virtutum flores, ubi balsama odora,
 Mel ubi Cecropium, Pegaseusque fauns.
 Tam purum impuro caueas pede tangere fontem,
 Quem pede Parnellus munit & ore aperit.*

AD CIVES OPTIMOS M. PAVLI
GVINANDI TRAIECTENSIS AM-
 plissimo Senatui Traiectino
 à Secretis, carmen.

 *Eque tuoq; simul gratos in principe mores
 Carmine, Paunellus gens Leodina canit.
 Carmine, quod sylvae stupeant, quod saxa sequantur,
 Carmine, quod superos flegere credo queat.
 Carmine, quo culti numerosas pectoris artes
 Quaque colit Musas sedulitate, docet
 Carmine quod lectum studiose pectori, certas
 Latitiae*

TRIUMPHVS

Letitia cauſas ciuiis amice dabit.
Ergo legens, animo Paunellum dilige noſtrum,
Quem ſouct in molli turba nouena ſinu.
Dilige Paunellum, docto qui carmine quondam
ſſis ferre poſt uberiora, Vale.

AD REVERENDIS: PRÆSVLEM
LEODIEN. IOANNIS CONEN

Traiecten. carmen.

En tua vndenis numeris relata
Gesta, nunc primum in litteras Latinas
Hic tuas Princeps generofe dotes,
En tua gesta.

Et tuum tantum renitere nomen
Usque Paunelli ingenio sagaci
Gaudeas, nobis dedit hunc alumnus
Docta Minerua.
Omne quodcumque eſt iuuenile carmen,
Iſtud o Præſul tibi nuncupabit
Docte, cui ſacros apicata cingit
Infula crines.

Ne, precor, primogeniam Thaleiam
Cenſeas, leni properata niſu
Extudit præceps calor impolito

Carmina Vati.

MUSICVS.

22

Ergo tu librum, ſimul & Poëtam
Hunc ſua gentis decus, atque lumen,
Quo ſoles, claro ninoque vultu
Exice Princeps.

Candido lectori.

Habes, generofe lector, Paunellij primos co-
natus, qui ſi aut honesti ſunt, aut tu non mo-
roſus, debes æqui, boniſque facere: nam vt
quisque eſt honestiſſimus, ita honestis aliorū
conatibus fauet. Siquid in hiſ eſt quod ad pa-
latum non facit, abſtine linguam, & putat
tum tuis, tum aliorum doctiſſimorum ſtudijs
ſuam olim fuifſe infantiam. Ceterū, decre-
uerat auſtor, hic ſub finem horum carminum
celeberimæ Vrbis Leodinæ laudes latiūs &
apertiūs deſcribere, verūm iā deſtinatus aliis,
aliud in tempus ſibi hoc reſeruauit. Vale, &
fruere. Leodij 1565. Iunij. 3.

LIBELLVS SVI ORTVS DATA
PRODI THOC DISTICH GRAN

Qvando Ita vere ocvli paſcvntvr floribvs vſqve
Utqve renascvntvr omnia, naſcor Ita.

